

فوق جبين الحلم

فوق جبين الحلم واقف

جاتله جلطة

شافوا قلبة قالوا تالف

ناقصه فرحة

سبل الجفنين بتوعه

سرسبت حرقة ف دموعة

دارى جرحه بين ضلوعة

افتكر لحظة خضوعه

لما مد الايد شموعه

حَب يتنهد براحته

طلعت التنهيدة صرخة

فوق جبين الحلم تايه

جوه خوفاً مستخبي
شاف سواد الليل وطوله
قال: ياربي
خاف من ال جايين يقولوا
شلت ذنبي
ارتجف لحظة وصوله
م المخبي
دق قلبه دقه واحدة وقال
سماح
ال جي لي ف الزمان ده
مش يكون أد ال راح
واللي راح ف الدنيا تايه
قلبه مليون بالجراح
والجراح موجوعه جدااا

والأمل مخنوق بايده
مش مكفيه البراح
حمل على قلبه الصغير
والبكا عدي النواح
واللى جاي كتير قصير
مين يقول أد اللى راح
فوق جبين الحلم خايف
حط نقطة
مد ايده لرب شايف
كل غلطه
يطلب الغفران يقاوح
يذكر ان الله مسامح
فوق جبين الحلم عارف
ان دى آخر محطة ؛؛